



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Lucy

692

2009

600




Յով. Թումանյան

Ե Ն Ո Ւ Շ

Հրատ. Աս. Կրտսերյանի ԵՆՇԱՆ

2.




Լսւյ  
692

600.

ՀԱՅ ԲԱՆԱՍՏԵՂԻՆԵՐ

ՅՈՎՀԱՆՆԵՍ ԹՈՒՄԱՆԵԱՆ.

Ա Ն Ո Ւ Շ



798



ԹԻՖԼԻՍ 1904 թ.  
Տպարան «ՀԵՐՄԷՍ» Միք. փայլույթի ճ.ճ.

# Ա Ն Ո Ւ Շ

## Ն Ա Խ Ե Ր Գ Ա Ն Ք

(Համբարձման գիշերը)

Բազմաձ լուսնի նուրբ շողերին.  
Հովի թևին՝ թըռչելով՝  
Փէրիները սարի գլըխին  
Հաւաքւեցին գիշերով:

«Եկէք, քոյրեր, սէգ սարերի  
Չըքնաղաղեղ ոգիներ,  
Եկէք, ջահել սիրահարի  
Սէրը ողբանք վաղամետ:

Օխտն աղբուրից ջուր է առել  
Կոյս սափորով, լուռ ու մունջ,  
Օխտը ծաղկից ծաղիկ քաղել,  
Կապել սիրոյ ծաղկեփունջ:

Ջուրն ու ծաղիկ աստղունք դըրել,  
Խընդիրք արել աստղերին,

Дозволено Цензурою. Тифлиси, 4-го марта 1904 г.

(36584-62)



692-2009

11690

Փափագ սըրտով խընդիրք արել՝  
Բարի ժըպտան իր սէրին...

Ափսոս, Անսէշ, սարի ծաղիկ,  
Ափսոս իղիթ քու հարին,  
Ափսոս բոյիդ թեկիկ-մեկիկ,  
Ափսոս էդ ծով աչքերին...

Ու նրանց հեա ցօղ-արցունքով  
Լըցւած սըրտերն ու աչքը՝  
Սարի ծաղիկունք աըխուր սիւգով  
Հառաչեցին էն գիշեր:

«Վուշ-վնէշ, Անսէշ, վուշ-վնէշ, քուրիկ,  
Վնէշ քու սէրին, քու հարին,  
Վուշ-վնէշ, Սարօ, վուշ-վնէշ իղիթ,  
Վուշ քու սիրած սարերին...

Եկէք, բոյրեր, սէգ սաբերի  
Չըքնաղագեղ ոգիներ...»  
Ու փէրիններն այսպէս տըխուր  
Երգում էին ողջ գիշեր:

Կանչում էին հըբաշալի  
Հնչիւններով գիւթական,  
Ու հէնց շողաց ցօլքն արևի՝  
Անտես, անհեա չըբացան:

Խոր սուգեցին ակն աղբիւրի,  
Մըտան կաղնին հաստարուն,  
Ու լեռնային վըտակների  
Ալիքները սլաղպաջուն:

Ա Ռ Ա Ջ Ի Ն Ե Ր Գ

I

Կանչում է կըրկին, կանչում անդադար  
Այն չըքնաղ երկրի կարօտը անքուն,  
Ու թեերն անա փըռած տիրաբար՝  
Թըռչում է հողիս, թըռչում դէպի սուն:  
Ուր որ հայրենի օջախի առաջ  
Վաղսւց կարօտով սպասում են ինձ,  
Ու ձըմբան երկար գիշերը նըստած՝  
Սօսում են Լօսու հին-հին քաջերից:  
Դէպ այն սարերը, որ վէս, վիթխարի,  
Հարբած շարքերով բըռնած շուրջպարի,  
Հըսկանջ շուրջպարի բըռնած երկընքում,  
Հըբճւում են, ասես այն մեծ հարսանքում  
Պերճ Արագածի նաղիլի դըստեր,  
Որ Դե-Ալ, Դե-Բէթթ և այլ հըսկաներ,  
Սօլ-խօլ հըսկաներ հընոց աշխարհի,  
Փախցըրին բերին անառիկ Լօսի: \*)

\*) Առասպելն ասում է թէ՛ Դե-Ալը (Դուալ սա-  
րը), Դե-Բէթթը (Դերեղ գետը) և ուրիշ գեներ՝ չափըշ-  
տակէլ են Արագածի աղջիկը, բերել են Լօսի:

Է՛յ հին ծանօթներ, է՛յ կանանչ սարեր,  
 Ահա ձեզ տեսայ ու միտքս ընկան,  
 Առաջըս եկան երջանիկ օրեր,  
 Միրելի դէմքեր, որ հիմի չըկան:  
 Անցել են, ոնց որ ծաղկունքը պէս-պէս,  
 Որ անցած զարնան կային ձեր լանջում,  
 Անցել ձեր գլխի հէրան ձիւնի պէս,  
 Բայց եկել եմ ես՝ նըբանց եմ կանչում:  
 Ողջո՛յն ձեզ, կեանքիս անդրանիկ յուշեր,  
 Որբացած հողիս ողջունում է ձեզ,  
 Թըռչուն կարօտով փընտրում ձոր ու լեռ,  
 Դիւթական ձայնով կանչում է հանդէս:  
 Դ՛նւրս եկէք կըրկին շիրմից, խաւարից,  
 Դ՛նւրս եկէք տեսնեմ, շօշափեմ, լըսեմ,  
 Կեանքով շընչեցէ՛ք, ապրեցէ՛ք նորից,  
 Լըցրէ՛ք պօէտի հաճոյքը վըսեմ...

Եւ մութ այրերից մամոռտ ժայռերի,  
 Թաւուտ ծըմակի լըռին խորքերից  
 Մանուկ հասակիս հընչուն ծիծաղի  
 Արձագանգն ահա լըսում եմ նորից:  
 Թընդում է զըւարթ աղմուկը բինի,  
 Բարձրանում է ծուխն իմ ծանօթ ուրթից,  
 Ու բոլորն ահա նորից կենդանի

Ենում են աշխոյժ վաղորդեան մութից,  
 Ու թնրմ, ցօղապատ լեռների լանջում...  
 Մ՛ու... ահանջ արա,—հովիւն է կանչում...

—Աղջի, անասունձ, նըստիք վըբանում,  
 Ի՞նչ ես դուրս գալի, խելքամաղ անում,  
 Աշուղ ես շինել, չեմ հանդըստանում,  
 Խաղեր կապելով,  
 Չօլեր չափելով,  
 Ոչխարըս անտէր,  
 Ընկել եմ հանդեր:

Աման, էրեցիք սիրտըս ք՞ սիրով,  
 Ոտըս կապեցիք թել-թել մագերով,  
 Էլ չեմ դիմանալ կըլիախցնեմ զօրով,  
 Ա՛յ սարի աղջիկ,  
 Ա՛յ սիրուն աղջիկ,  
 Ա՛յ դու կարմրաթուշ  
 Թուխամաղ Անուշ:

Քու հէրն ու մէրը թէ որ ինձ չըտան,  
 Արին կըթափեմ ես գետի նըման,  
 Մարերը կընկնեմ կորչեմ անգիւման,  
 Ա՛յ սե աչքերով,  
 Ա՛յ ծով աչքերով,  
 Ունքերըդ կամար  
 Աղջիկ քեզ համար:



Երգում է Սարօն ու չի կարենում  
Աղջիկը հանգիստ նըստել վըրանում.  
— Էն սիվ էր նանի, որ կանչում էր մեզ,  
Դու չես իմանում. ականջ դիր, տես...  
— Հերիք է, Աննուշ, ներս արի դագէն, <sup>1)</sup>  
Քանի դուրս թըռչես, նայես դէս ու դէն,  
Տեսնողն էլ կասի— Ի՞նչ աղջիկ է սա,  
Հազար մարդի մօտ կերթայ կըխօսայ:  
— Մըտիկ տուր, նանի, էն սարի լանջին,  
Ի՞նչքան աւրուկ է տալի կանանչին.  
Նանի, թող դընամ քաղեմ ու հիւսեմ,  
Էն սարի լանջին «Չան գիւլում» ասեմ:  
— Հանգիստ կաց, Աննուշ, դու հասած աղջիկ՝  
Ի՞նչ ունիս Չանել չորանների մօտ,  
Նըստիր վըրանում, քու գործին մըտիկ,  
Պարկեշտ կաց, աղջի, ամօթ է, ամօթ:  
— Ա՛խ, սիրարս, նանի, չը գիտեմ ընչի՛  
Մին լաց է լինում սեակնած, տըխուր,  
Մին թև է առնում, ուզում է թըռչի,  
Չըգիտեմ՝ թէ ուր, չըգիտեմ՝ թէ ուր...  
Նանի Չան, նանի, ես ի՞նչպէս անեմ,  
Ի՞նչ անի անքուն անհանգիստ բալէդ... <sup>2)</sup>  
Նանի Չան, նանի, կուժը թող առնեմ,  
Աղբիւրը դընամ աղջիկների հետ... <sup>3)</sup>

<sup>1)</sup> վրան <sup>2)</sup> գաակդ

Կըժերն ուսած՝ թըրւըռալով  
Ջուրն են իջնում աղջիկներ,  
Սընդում իրար ուսի տալով,  
Երգը զընգում սարն ի վեր:

— Ամպի տակից ջուր է գալի,  
Դօշ է <sup>1)</sup> տալի, փըրփըրում.  
Էն սիւ կարն է նըստած լալի  
Հօնգուր-հօնգուր <sup>2)</sup> էն սարում:

Ա՛յ սաղ ջըրեր, դուլալ <sup>3)</sup> ջըրեր,  
Որ գալիս էք սարերից,  
Գալիս՝ անցնում հանդ ու չօլեր,  
Եարս էլ խըմեց էդ ջըրից:

Եարար խըմեց, եարար հովցաւ,  
Վառւած սիրտը էն եարի,  
Եարար հովցաւ, եարար անցաւ  
Անքուն ցաւը ջիգեարի...

— Աղջի, քու եարն եկաւ անցաւ,  
Վառւած, տարւած քու սիրով,  
Էրւած ջիգեարն՝ եկաւ անցաւ,  
Չըհովացաւ սաղ ջըրով...

<sup>1)</sup> Կուրծք, <sup>2)</sup> հեկեկալով, <sup>3)</sup> չհիտ

Ամպի տակից ջուր է գալի,  
Դօշ է տալի, փրբփրբում.  
Ա՛խ իմ ազիզ եարն է լալի  
Հօնգուր-հօնգուր էն սարում:

Վ 11

Ու պառաւ նանի սրբաի մէջ յանկարծ  
Չայն տըւաւ թաքուն մի խաւար կասկած.  
—էն երբ էր՝ Անուշն իր կուժը առաւ,  
Աղբիւրը գընաց ու ետ չըդառաւ...  
Ամպերն եկել են սարերը պատել,  
Չորերը լըցել, իրար փաթաթել,  
Հագար չար ու շառ, հագար հարամի,<sup>1)</sup>  
Հագար ջահիլներ վըխտում են հիմի...  
Ու ելաւ տեղից պառաւը յանկարծ՝  
—Ո՞ւր կորար, Անուշ, այ մազըդ կտրած...  
Ու ձորի գըլխին, ձեռքը ճակատին,  
Կանչում է, կանչում անաս զաւակին.  
—Աղջի, սեասիրտ, քու անը կըտրի,  
Աղջիկը մենակ ձորը կըմըտնի.  
Ամպը կոխել է, աշխարքը մըթնել,  
Ի՞նչ ես կորցըրել՝ չես կարում գըտնել.  
Աղջի, հէյ Անուշ, այ աղջի, Անուշ...  
Ծընկանը զարկում, հառաչում է «վսեշ»  
Ու ձորի գըլխին մոլորւած կանգնած  
Նայում է ներքև սիրտը սեակնած:  
Ամպերն եկել են սարերը պատել,

1) Աազակ:

Չորերը լըցել, իրար փաթաթել,  
Հագար չար ու շառ, հագար հարամի,  
Հագար ջահիլներ վըխտում են հիմի:

Վ 111

—Թ՛ող, կանչում են ինձ... մայրս կիմանայ...  
—Չէ, Անուշ, քիչ էլ, մի քիչ էլ, մընա...  
—Չէ, թող ես գընամ... ախ, ի՞նչ խենթ եմ ես.  
Դու ինձ չես սիրում, չես սիրում ինձ պէս,  
Հէնց ես եմ մենակ լալիս ու տանջւում,  
Դու սարի լանջին խաղեր ես կանչում:  
Վաղճուց, վաղուց ես դու ինձ մոռացել...  
Ես երբ եմ եկել էստեղ քարացել  
Ու մընում եմ քեզ, մընում, անիրան,  
էնքան մընացի՛ աչքըս ջուր դառաւ:

Ասում են՝ ուռին  
Աղջիկ էր ինձ պէս,  
Մընում էր հարին,  
Ու չեկաւ նա տես:  
Խեղճը դողալով՝  
Անյոյս կըռացաւ,  
Դարդից չորացաւ,  
Ուռենի դարձաւ:  
Ջըրբի վըրա  
Գըլուխը կախած  
Դեռ դողում է նա  
Ու լալիս կամաց,  
Ու ամբողջ տարին

Մի միտք է անում,  
Թէ եարը եարին  
Ո՛նց է մոռանում...

—Ա՛խ, Անճւշ, Անճւշ, էդ ի՛նչ ես ասում.  
Բա դու չե՞ս լըսում.

Էն՝ որ լանջերին խողեր եմ ասում,  
Ո՞ւմ հետ եմ խօսում.

Էն՝ որ գիշերով շըհու <sup>1)</sup> եմ փըչում,  
Էն ս՛ւմ եմ կանչում.

Էն, որ մոլորած նըստած եմ մընում,  
Ո՞ւմ հետ եմ լինում.

Էն, որ հառաչում ու ախ եմ քաշում,  
Էն ս՛ւմ եմ յիշում...

Ա՛խ, Անճւշ, Անճւշ, անասուած Անուշ...  
Արբեցած, անուժ,

Հառաչեց հովիւն ու սըրտին ընկաւ,  
Հալեցաւ, հանգաւ...

1 X

—Անճւշ, այ աղջի՛ր, Անճւշ, տո՛նն արի.  
Կանչում է մայրը, հառաչում, կանչում:  
—Գալիս եմ, գալիս, գալիս եմ նանի՛ր,  
Ձորից աղջկայ ձայնն է ղօղանջում:  
Ու մազերն անկարգ տըւած թիկունքով  
Ու ցըրւած շիկնած այտերի վըրան,  
Դուրս եկաւ թեթեւ ամպերի տակից

<sup>1)</sup> Սրինդ

Անուշը՝ փախած եղնիկի նըման:  
Նա կուժը դատարկ ետ բերաւ կըրկին,  
Իսկ ուսին տարած ուսաշոր չըկայ,  
Թողել է այն էլ ջըրի եղերքին.  
Ա՛խ, անհողութիւն ջահիլ աղջկայ:  
—Նանի՛ր, վախեցայ, զանգատում է նա,  
Եւ ուզում է լալ, չի կարողանում.  
Նանի՛ր, ներքեում ես մարդիկ տեսայ,  
Կարծեցի՛ թուրքեր էին լողանում...  
Անիժում է ծեր մայրը բարկացած  
Իրեն մոռացկոտ, վախկոտ Անուշին,  
Ու անէժք տալով իջնում է նա ցած՝  
Դատարկ ետ բերած հին կուժը ուսին:



Ե Ր Կ Ր Ո Ր Պ Ե Ր Պ

X

(Համբարձման առաօտը)

Համբարձունքն եկաւ, ծաղկունքը ալւան  
Զուգել են հանդեր նախշուն գորգերով,  
Փունջ-փունջ աղջիկներ սարերը ելան  
Վիճակ հանելու աշխոյժ երգերով:

«Համբարձում, եայլա,  
Եայլա ջան, եայլա,  
Սև սարեր, եայլա,  
Եայլա ջան, եայլա:

Երգ ու բոյր խառնած,  
Թև-թևի բրնձած  
Զուգում են լեռներ,  
Ծաղիկ են քաղում,  
Ծաղկի հետ խաղում  
Ինչպէս թիթեռներ:

Համբարձում, եայլա,  
Եայլա ջան, եայլա,  
Լաւ օրեր, եայլա,  
Եայլա ջան, եայլա:

Եկաւ համբարձում  
Ծաղկով զարդարւած,  
Մեր բախտին հարցում:  
—Ո՞վ է մեզ գըրւած:  
Ա՛յ ջան տղայ, չորան տղայ, ս՛ւնն ես դու:  
Աստուած գիտի, աշխարհ գիտի՝ իմն ես դու:

Դէ հանիք, անջի,  
Վիճակն ՚ի բարին,  
Երգերով գովենք  
էն իգիթ հարին:

Բեզը ծիլ-ծիլ, բոյը թիլ-թիլ էն հարի,  
Ի՛նչ դարգ ունիմ քանի նա կայ աշխարհի:

Համբարձում, եայլա,  
Եայլա ջան, եայլա,  
Հուր սըրտեր, եայլա,  
Եայլա ջան, եայլա:

Թ՛ընդում են երգեր, խընդում են սըրտեր,  
Ու շուրջ բոլորած վիճակ են հանում:  
Ելնում է մէկին իր երազն ու սէր,  
Միւսի մուրազը սըրտունն է մընում:

XI

Պըտոյտ է սալիս վիճակը նորից  
Բուռուշքը <sup>1)</sup> գըլխին ծաղիկ ծաղկամէր,  
Թ՛ընդում «ջան գիւլում» մատաղ սըրտերից,

<sup>1)</sup> քօղ, չղարշ:

Հետը գըզգըռում էն ծաղկոտ սարերը:

«Ա՛յ թուխ մազաւոր աղջիկ,

Ա՛յ սարի սովոր աղջիկ,

Ջիգեարին գիւլա գիպչի

Քեզ սիրի ով որ աղջիկ:

Ո՛հ, ինչ սև վիճակ քեզ բաժին ընկաւ,

Սեւաբխտ քուրիկ, նազելի Անուշ.

Քու ձեռք կտորի, ով որ հանեցիր...

Ու ողջ մընացին մոլորւած, ապուշ:

—Սուտ բան է, քոյրիկ, դու մի հաւատար,

Լոկ պատահական մի չար խօսք է սա.

Սիրտըդ մի կտորի սուտ բանի համար,

Քու խաղըդ խաղան, ջան գիւլում ասա:

—Ա՛խ, չէ՛, ես գիտեմ, ես բախտ չի ունեմ.

Ես երբէք երբէք, բախտ չեմ ունեցել.

Ես միշտ էլ էսպէս անբախտ կըլինեմ.

Մանուկ օրից են դեռ ինձ անիծել:

Ասում են՝ մի օր, ես օրօրոցում՝

Մի պառաւ դաւրիշ մեր դուռն է գալի,

Իր խաղն ասում է ու բաժին ուզում,

Իմ նանը նըրան բաժին չի տալի:

—Կորի՛, ասում է, կորի՛ մեր դըռնից,

Երեխաս ճաքեց, հեռացիր, գընա՛...»

Ու դաւրիշն այնտեղ անիծում է ինձ,

Թէ՛ դըբա օրը լացով անց կենայ...

Ա՛խ, այն դաւրիշի անէծքին անգութ

Ու այս վիճակին տեղեկ է Աստուած,

Սիրտըս էլ միշտ փսփկ, սիրտըս էլ միշտ մտւթ,  
Ի՛նչ կայ, չըգիտեմ, իմ առջև պահւած...

—Մի տըրտմիր, Անուշ, մի լինիր յամաս,

Մեր ձեռքով հանած մի անմիտ վիճակ,

Մի խելառ դաւրիշ, մի անէծք յիմար,

Ու լալիս ես դու այդպէս սըրտածաք...

Հանգիստ կաց, քոյրիկ, մի վախիր այդքան,

Կեանքը քեզ համար վառ գարուն է դեռ,

Սյդ քո նորահաս մատաղ կուսութեան

Առաջև դեռ կան երջանիկ օրեր:

Սուտ բան է, քոյրիկ, դու մի հաւատար,

Լոկ պատահական մի չար խօսք է սա.

Սիրտդ մի կտորի սուտ բանի համար,

Քու խաղըդ խաղա, ջան գիւլում ասա:

(Սուտը երգում է)

Աղջի բախտաւոր,

Երնէկ քու սէրին,

Քու սարի սովոր

Սեւսե աչքերին.

Համբարձում, հնչյա,

Եայլա ջան, հնչյա,

Սէր-օրեր, հնչյա,

Եայլա ջան, հնչյա:

Մեռնեմ գարունքիդ,

Ծաղկած գարուն ես,

692. 2009 (36584-62)



Մարի պէս մէջքիդ  
Կանգնած եար ունես:

Համբարձում, հայրա,  
Եայրա ջան, հայրա,  
Մար-հարեր, հայրա  
Եայրա ջան, հայրա:



Ե Ր Ր Ո Ր Փ Ե Ր Փ

XII

Ձմրան մի գիշեր կար մի հարսանիք,  
Հըրճուում էր անդուսպ ամբոխը գիւղի.  
Գիւղն էին իջել հովիւ պատանիք  
Աղջիկ տեսնելու, պարի ու կոխի:  
Ու պարից յետոյ լայն հըրսպարակ  
Բաց արին մէջ տեղն արձակ գլխատան,  
Ջուռնաչին փչեց կոխի եղանակ,  
Ահել ու ջահել իրարով անցան:  
Հարսն էն տալի—«քաշի՛ հա, քաշի՛...»  
Ու դուրս քաշեցին զօռով երկուսին.  
Մինը մեր Մարօն, իսկ միւսն Անուշի  
Անդրանիկ եղբայր գառնարած Մօսին:  
Ողջ գիւղը կանգնեց պարըսպի նման,  
Ջուռեց, բաժանեց երկու բանակի,  
Ամեն մի բանակն ընտրեց փահլեան,  
Կանգնեց թիկունքին տըղերանց մէկի:  
Գոռում են, գոչում երկու բանակից.  
—Սրտապինդ կացէք, մի վախէք, տըղերք,  
Իսկ նորեկ հարսի փարգի քամակից  
Նայում են կանգնած հարսն ու աղջրկերք:  
Ու տաքանում են տըղերքը սաստիկ,

Փէշերը հաւաք խըրում են գօտին,  
 Գետին են զարկում ձեռքերը հաստիկ,  
 Իրար են համնում թափով մոլեղին...  
 Ագաթ կայ սահայն էն մութ ձորերում,  
 Ու միշտ հընազանդ հընոց աղաթին,  
 Ամբոխի առաջն իզիթն իր օրում  
 Գետին չի զարկիլ ընկեր իզիթին:  
 Ու իրար բռնած Սարօն ու Մօսին  
 Քաշում են, ընկնում խողապարկուկի <sup>1)</sup>.  
 Ընկնում են գետին, ելնում միասին,  
 Դըժւար է իբրև յաղթել մէկ մէկի:  
 Իդուր է գոռում ամբոխը հարբած,  
 Զուր սըրտատըճոփ նայում աղջիկներ,  
 Եւ գուր է Անուշն, իր շունչը կըտրած,  
 Սառել ու կանգնել ինչպէս մի պատկեր:  
 Անուշը կանգնած... Սարօն նըկատեց,  
 Թունդ առաւ սիրտը ու գարկեց արագ.  
 Աչքերի առջև մըլարը պատեց,  
 Մոռացաւ ընկեր, սգաթ ու աշխարհ:  
 Ու մինչդեռ Մօսին ընկերախաղի,  
 Կատակի տալով թողած էր իրեն,  
 Ուժ արաւ Սարօն, ծընկեց կատաղի,  
 Գետնեց ընկերին ու չօքեց վըրէն:  
 Ամբոխը թափուեց հարա հըրոցով,  
 Վեր թըոցրեց ջահել փահլիաններին,  
 Եւ՝ ուրախութեան աղմուկ-գոոոցով  
 Յաղթողին փեսի թախտի մօտ բերին:

<sup>1)</sup> Միասին, կողք կողքի ընկնել:

Յընծութեան ձայնից, ծափերի զարկից  
 Շարժւում են գոգում պատեր ու օճորք,  
 Իսկ նորեկ հարսի փարդի քամակից  
 Նայում են կանգնած հարսն ու աղջկերբ:

XIII

Վերկացաւ Մօսին. իրեն կըտրատում,  
 —Թող գնայ, գոռում է, որ բըռնենք նորից,  
 Թէ չէ նամարդը, արևս եմ երդւում,  
 Էլ չի պըրճնելու երբէք իմ ձեռից,  
 Վէր չի պցել ինձ... Ինձ խաբել է նա...  
 Մէյրան բաց արէք, թող մին էլ մէջ գայ...»  
 Ու ամեն կողմից ուրախ հըրհըռում,  
 Թունալի ծաղրով կանչում են, գոռում.

— Չէլաւ, էդ չէլաւ,  
 Վէր չի պըցել դեռ,  
 Մօսին թօլ էլաւ <sup>1)</sup>--  
 Խողապարկուկ էր...  
 Հն, հն, հն, տըղերք,  
 Շատ էլ լաւ կանի,  
 Մէջքը թնփ տըւէք,  
 Թող մին էլ բըռնի.  
 Հն, հն, հն, տըղերք,  
 Մէջքը թնփ տըւէք...

<sup>1)</sup> Շուռ եկաւ, զլլութից.

## XIV

Եւ ազմըկայլի հարսանքի տանից  
 Դուրս եկաւ Մօսին սաստիկ վերաւոր-  
 Արիւն է կաթում սեակնած սըրտից,  
 Գընում է ըշտապ, քայլերը մոլոր:  
 —Ամօթ քեզ, Մօսի, թնւք ու նախատինք,  
 Ամօթ քեզ նըման գոված իզիթին,  
 Մի անունդ յիշիր, մի բոյիդ մըտիկ,  
 Դեռ քու թիկունքը չէր տեսել գետին:  
 Ի՛նչպէս վէր ընկար դ՛ու սարի նըման,  
 Երբոր նայում էր ողջ գիւղը կազնած...:  
 Դ՛ու... կուճ գաս տակին Սարօի ծընկան,  
 Նըրանից յետոյ երեաս կանանց...  
 Եկած էր էս բանն իսկի քու գըլխին...  
 Ծաղրատեղ դառար բովանդակ գեղին...  
 Դէ մեռիր էլի, գետինը մըտիր,  
 Տանը վեր ընկիր՝ իլիկ պըտըտիր»...

## XV

—Վնյ, վնյ, Մօսի ջան, ինձ մի սպանիր.  
 Սըրանից յետոյ չեմ սիրիլ նըրան...  
 Վախենում եմ ես... դամէդ <sup>1)</sup> տեղը դիր...  
 Սիրալըս դողում է տերևի նըման...»  
 Խընդրում էր լալով եղբօր առաջին

<sup>1)</sup> Դաշոյն.

Անգօր ու դալուկ իր քոյրը չոքած,  
 Մօսին՝ փայլըտուն խանչալը ձեռին՝  
 Ուզում էր մորթիլ նըրան աչքը բաց:  
 —Դէ իմ անունով երգւիր, անըզգամ,  
 Որ էլ Սարօին դու չես սիրելու,  
 Թէ չէ՛ տեսնում ես խանչալը հանած՝  
 Մինչև դաստակը սիրտդ եմ խըրելու:  
 —Քու ոտի հողն եմ, Մօսի ջան, Մօսի,  
 Դու քու եսիրին <sup>2)</sup> երգում ես տալիս...  
 Ես էլ Սարօին չեմ սիրում՝ ասի,  
 Տեսնում ես չոքած ի՛նչպէս եմ լալիս...  
 —Դու խարճում ես ինձ, սուտլիկ, խաբերայ-  
 Չեմ սիրում ասիր. էն ինչ է հապա,  
 էն ի՛նչ է հապա, որ տեղն ենք մըտնում՝  
 Հեկեկում ես դու գիշերեայ մըթնում.  
 էն ի՛նչ է հապա, որ դու երազում  
 «Սարօ ջան, Սարօ, Սարօ» ես ասում...  
 Մօսի ջան, Մօսի, գլխովդ շուռ գամ.  
 Ինձ մի սպանիր, ինձ թող էս անգամ.  
 էլ չեմ սիրիլ ես, երբ դու չես ուզում,  
 էլ չեմ կանչիլ ես նըրան երազում...  
 Ինձ մի ըսպանիր, դամէդ տար հեռու...  
 Քու քոյրը չեմ ես... իմ Մօսին չես դճու...

## XVI

Ու էն հարսանքից թըշնամի դարձան  
 Ախպէր տըղերքը էս դէպքի համար.

<sup>2)</sup> գերի.



Ընկեր, բարեկամ գընացին, եկան,  
 Կըրկին հաշուութեան չեղաւ մի հընար:  
 Անկոտորում Մօսին էլ ո՞ր Մօսին էր,  
 Որ՝ աչքը դեռ բաց, էս լուս աշխարքում,  
 Իրեն հարազատ քըրոջը տեսնէր  
 Նամարդ <sup>1)</sup> ընկերի—Մարօի գըրկում:  
 Գուցէ գիշերս էլ՝ իր հերսից անքուն՝  
 Ուզում է ջահել քըրոջն ըսպանի,  
 Մարօի անունն ու սէրը թաքուն  
 Խանչալի ծայրով սըրտիցը հանի:  
 Ով գիտի, գուցէ հէնց այս գիշեր էլ  
 Իգիթ ոտսխներն, անհաշտ ու յամառ,  
 Մէկմէկու հօտից ոչխար են քըշիլ,  
 Մէկմէկից վըրէժ առնելու համար:  
 Կարող է նոյնպէս պատահել յանկարծ,  
 Որ մէկի գէզը, արգիւնքը հընձի,  
 Գիշերւայ ժամին հըրով բըրնկած,  
 Երկնահաս բոցով աստղերը խանձի:

<sup>1)</sup> Տմարդի.



Չ Ո Ր Ո Ր Ր Գ Ե Ր Գ

XVII

Ամպերը դանդաղ ուղտերի նըման  
 Նոր են ջուր խըմած ձորից բարձրանում.  
 Քարոտ թիկունքից Չաթինդաղ լերան  
 Նոր է արևը պըռունզը հանում.  
 Գիւղում աղմուկով իրար են անցնում,  
 Կըտեր ծայրերին կանայք հաւաքւած,  
 Տըղերքը դէպի քարափն են վազում  
 Հըրացանների կիսերից բըռնած:

XVIII

Եկաւ վիթխարի ծերունի մի մարդ,  
 Կանգնեց վըրդովւած տըղերանց միջին,  
 Մտառ դէպի ձոր մեկնելով հանդարտ  
 Այսպէս նա պատմեց զօր տալով չիբխին:  
 — Էս գիշեր, կէսը կըլնէր գիշերւայ,  
 Դեռ չէի կըպցըրել աչքս տեղի մէջ.  
 Քունս էլ է կորել, ջանս էլ էն վաղւայ,  
 Ամեն մի բանից մընացել եմ խեղճ...:  
 Հն, հալալ կէսը կըլնէր գիշերւայ,  
 Շունը վերկացաւ էս կըռան վրայ.

Հէյ հէյ կանչեցի, ձէն տըւող չէլաւ.  
Շունը գազազեց, շունը վեր կալաւ...  
Հէյ գիտի, ասի ինքըս իմ միջում,  
Ի՞նչ է մընացել առաջւան տըղից.  
Քընում էի վաղ մենակ արխաջում <sup>1)</sup>,  
Մի ձէն լըսելիս վեր թըռչում տեղից...  
Էն էի ասում, քընել չէի դեռ.  
Կը լինէր դառը գիշերւան կէսը,  
Երկու մարդկային սև կերպարանքներ  
Շան առջև փախած՝ ցած իջան դէսը...  
Էս որ լըսեցին, դէս ու դէն ցըրւած  
Տըղերքը ճեպով ձորը ներս մըտան,  
Ու մըտի <sup>2)</sup> տակին, ճամբիցը ծըռւած,  
Երկու մարդու թարմ ոտնատեղ գըտան:

### XIX

Ամբողջ մի ամիս խուժըը գինավառ  
Մարերը ու ձորեր ոտնատակ տըւեց,  
Չորան Մարօին գըտնելու համար,  
Որ սարիցն իջաւ Անուշին փախցրեց:  
Մի ամսից յետոյ տըղերքն եկան տուն,  
Գովելով նըրա արարքը ճարպիկ.  
—Հալալ է տըղին, սյ իգիթութիւն,  
Ահա թէ ինչպէս կը փախցնեն անշիկ:  
Մենակ Անուշի եղբայրը—Մօսին  
Մընաց հանգերում. երգում կերաւ նա,

<sup>1)</sup> Հանգրւան. անատունի հանգիստը <sup>2)</sup> Ձորի  
մտաքը:

Սըր որ էլ լինին՝ նըրանց միասին  
Գըտնի՝ կոտորի, սիրտը հովանայ:  
Մնաց հանգերում: Եւ անա մի օր,  
Քաղտը կանանց մէջ, մըթան հետ, թաքուն,  
Շորերը պատած, սխուր, գըլխակոր  
Անուշը ձորից եկաւ հօրանց տուն:

### XX

—Աղջի, Վնրգիշաղ, թէ հողից սիրես,  
Մի գարիդ գըցի՛ր, տես ինչ է ասում.  
Աչքըս խաւարի, տեսիլք դառնամ ևս,—  
Տեսիլք եմ տեսիլ գիշերս երազում:  
Մի մութ ձորի մէջ, մի նեղ ձորի մէջ  
Անբախտ Մարօի ոչխարը կանգնած,  
Լեզու էր առել ու խաղ էր կանչում,  
Ու խաղ էր կանչում ձէն ձէնի տըւած...  
Մի գարիդ գըցի՛ր, թէ որգով խընդաս,  
Էս երազն իսկի ևս լաւ չեմ փորձել.  
Ողորմած Աստուած, Քու դուռը բանաս,  
Քու ոտի հողն ենք—Գու ևս ըստեղծել...  
Անբան գառները մութ ձորի միջին  
Խաղ էին կանչում ու ձէնով լալի,  
Մարօի նանն էլ նըրանց առաջին  
Աղլուխ էր առել ու պար էր գալի...  
—Աղջի, Մանիշակ, վատ բան ևս տեսել,  
Գարիս էլ, անա, էնպէս դուրս եկաւ.  
Էս չարն, էս բարին... Մարօն է էս էլ:

Տէն, ահա, Մարօն սև ճամբէն ընկաւ...  
Ասուած խընայի Չահել—Չիւանին <sup>1)</sup>,  
Ասուած խընայի իր նաչար <sup>2)</sup> նանին...

X X I

Ու ման է գալի սարերը ընկած  
Մարօն փախցրած եղջերւի նըման,  
Օրհասն առաջին, գընդակն ետեից  
Հանդերը գըժովք, ընկերը դուշման:  
Եւ երբ երեկոն հանդարտիկ ու լուռ  
Սարերից իջնում, խաւարն է պատում,  
Նըրա բայաթին ողբում է տըխուր,  
Ընկեր սարերին խօսում, գանգատում:

«Բարձր սարեր, այ սարեր  
Ձէն եմ տալի «վայ», սարեր,  
Դուք էլ ինձ հետ ձէն տըւէք,  
Իմ գարգերի թայ <sup>3)</sup> սարեր:

Որս եմ բութէս <sup>4)</sup> ձեզ արած,  
Ձեր ձորերին, ձեզ արած,  
Կուգեմ կորչեմ անգիւման,  
Էս աշխարքից բէզարած <sup>5)</sup>:

Կորչեմ բէզար գատարկուն,  
Քար-սարէսար գատարկուն,

1) Երիտասարդ. 2) խեղձ. 3) հաւասար, չափ.  
4) ապաւէն, լույս 5) լողնած:

Մեռնեմ պըրծնեմ էս օրից,  
Բալքի առնեմ դադար-բուն:

Ա՛խ կը մեռնեմ՝ ամա նա  
Վայ թէ յանկարծ իմանայ,  
Ես ազատեմ էս ցաւից,  
Աչքը լալով նա մընայ:



Հ Ի Ն Գ Ե Ր Ո Ր Գ Ե Ր Գ

X X I I

Լալիս է Անուշն երեսին ընկած,  
 Կանգնած են շուրջը կանայք հարեան,  
 Ու խօսք չեն գըտնում ասեն անարգած,  
 Տարած ետ բերած, անբախտ աղջիկան:  
 Ասուած խընայեց՝ կոպիտ եղբայրը  
 Հնու հանգերից դեռ տուն չէր դարձել,  
 Իսկ խոժոռաղէմ ալեոր հայրը  
 Սկսաւ փըրփըրած թըքել, անիծել:  
 — Դ՛նւրս գընա, կորի՛, այ լիրը, անըզգամ,  
 Մե ու սուզ լինի թագ ու պսակըդ.  
 Կորի՛, չերևաս աչքիս միւս անգամ,  
 Գետինը մըտնի երկար հասակըդ:  
 Տեսա՛ր, որ նըրան ատում է Մօսին,  
 Չեն ուզում, տեսար, նըրան հէրն ու մէրդ,  
 Դու քա՛նի գըլուխ ունիս քո ուսին,  
 Որ վեր ես կենում փախչում նըրա հետ»:  
 Խոնրւած գիւղացիք կըտուրից իջան  
 Մեղմելու կոպիտ բարկութիւնը հօր,  
 Յայտնըեց նոյնպէս գիւղի քահանան,  
 Մի պատկառելի հըսկայ ալեոր:

— Դ՛նւրս գընացէք, դ՛նւրս, գոչեց տէրտէրը,  
 Անուշը թողէք ուղիղն ինձ ասի,  
 Թողէք նա յայտնի իր միտքն ու սէրը,  
 Նըրանից յետոյ բանը կը պարզի:  
 Մի լար, իմ աղջիկ, ինձ խոստովանիր,  
 Սիրում ես նըրան, քու կամքով փախար...  
 Եթէ սիրում ես՝ էլ դարդ մի անիր,  
 Պիտի պըսակեմ ես ձեզ անպատճառ...  
 — Ի՛նչ են հառաչում... էն սով էր, մի տես,  
 Որ գուբսը յանկարծ աղմըկեց էսպէս...  
 Ո՞վ է ըսպանել... Մօսին... սւ... սւ...  
 — Անսւշ, հէյ Անսւշ... Չուր հասցրէք, շտւր...»

X X I I I

Ինչպէս մի հեղեղ վեր կենար յանկարծ,  
 Երկընքի մըթնած ամպերից իջնէր.  
 Ինչպէս փոթորիկ սաստիկ սըընթաց,  
 Գիւղից սըլացան մի խումբ կըտորիճներ:  
 Յաւից տաքացած էլ բան չեն հարցնում,  
 Թըռչում են, ասես աճից հալածւած,  
 Ու նըրանց առջև ահուկի բացւում,  
 Թըշշում է ձորը արիւնոնվ լըցւած:  
 Գիւղը դատարկեց մի ալընթարթում,  
 Քարափի գըլխին կանգնած անհամբեր,  
 Լսւո, սըրտատըրոփ ահանջ են դընում,  
 Նայում են ներքե... ձայն չի գալի դեռ.  
 Դերեղն է միայն անդընդում՝ յուզւած՝  
 Խըլածայն ողբով սողում դէպի ցած:

Ու մարդասպանը դուրս եկաւ ձորից,  
Դէմքը այլայլած, քայլւածքը մոլոր.  
Մարսափ է կաթում արնոտ աչքերից,  
Եւ կերպարանքը փոխւած է բոլոր:  
Առանց նայելու մարդկանց երեսին,  
Առանց խօսելու, սեակնած, դաժան,  
Մօտեցաւ սրահին, կախ տըլաւ սընին  
Սև հըրացանը, սև օձի նըման:  
Պապանձեց նոյնպէս ամբոխը մեխւած,  
Ոչ ոք ծըպըտալ չի համարձակուում,  
Մենակ մի հոգի անդուսպ կատաղած՝  
Հարսյ է կանչում, երեսը պոկում:  
Մեռած չորանի պառաւ նանն է նա՝  
Յաւից խելազար բառաչում, լալիս.  
Տարաբանխտ ծընող, վազում է ահա,  
Չորիցն է տըխուր գոռոցը գալիս:

Սըգաւոր կանայք նորա ետեից  
Հարսյ կանչելով ձորը վաղեցին,  
Իրենց կորցրածն էլ յիշելով նորից՝  
Դիակի շուրջը կարգով շարեցին:  
Իգիթին վայել սըրտառուչ ողբով  
Լաց ու կոծ արին ձէն ձէնի տըլած,  
Տըղերքն էլ մըթին, լուռ ու գըլխակոր,

Մընացին մօտիկ քարերին նըստած:  
Ոգրացին անշունչ գիակի վըրա  
Անտէր մընացած ոչխարի մասին,  
Անսիրտ անէծքով յիշեցին նըրա  
Անճար մընացած խեղճ եարի մասին.  
Եւ նըրա մասին, որ ընկերները  
Հանդեր գընալիս Մարօ կը կանչեն,  
Որ սարից փախած սոված շըները  
Կըտերը պիտի ոռնան, կըլանչեն:  
Ծանըր չոմբախը գըլուխը մեխած,  
Օճորքում գըրած պիտի մըրտաի,  
Երկայն խանչալը պատիցը կախած  
Պատենում մընայ ու ժանգը պատի:  
Որ հով սարերի սովորած նանը  
Էլ սար չի գընալ առանց Մարօի,  
Սև շորեր հագած կը նըստի տանը՝  
Անցած օրերը միտը կը բերի:  
Եւ ամեն մի խօսք, մի յիշողութիւն  
Կըտրատում էին սիրտը ձեր նանի,  
Եւ ազաչում էր նա մեռած որդուն  
Մի անգամ խօսի, աչքը բաց անի:  
— Ընչի՞ չես խօսում, ընչի՞ չես նայում,  
Իմ օր ու արև, կեանք ու ջան՝ որդի,  
Դու իմ գերեզմանն ընչի՞ ես խըլում,  
Թըշնամի որդի, դաւաճան որդի»...  
Բայց չէին բացուում աչքերը փակւած,  
Շուրթերը սառել, չորացել էին,  
Նըրանց արանքից ստամեները բաց,  
Միպտակ շարքերով երևում էին:  
Եւ նա կատաղած՝ յանդուգն անէծքով  
Ծառս <sup>1)</sup> կգաւ գուշման երկընքի դիմաց,

<sup>1)</sup> Բարձրանալ:

Եւ հայհոյում էր, և կուրծքը ծեծում,  
Եւ լալիս էին ձէն ձէնի տրւած...

«Կարմիր արևից ընկար, Սարո ջան,  
Կանանչ տերևից ընկար, Սարո ջան  
Արևս հանդաւ, Սարո ջան,  
Գիշերն ընկաւ, Սարո ջան...»

Գիշերը իջաւ, Թանձրացաւ մութը  
Եւ նըւագեցին ձայները տըրտում,  
Յոգնեցին, հանգաւ... Ծերուկ Դերեղը  
Սըզում էր մենակ խաւար անդընդում:

Սըզուր գեաը,  
Ծեր Դերեղը,  
Դօշը քրքրած,  
Ջուրը փրփրած,  
Բարոտ ափին,  
Լեռ քարափին  
Դեռ ծեծում է,  
Հեծեծում է...

### XXVI

Եւ մի քանի ընկեր տղերք  
Չորում, գետի եզերքին,  
Փոս փորեցին ու սըրտարեկ  
Հողին տըւին հովւի դին:  
Ծառ ու ծաղիկ՝ սըւսըւայով  
Բոյր խընկեցին գիւրեկան,  
Ծեր Դերեղն էլ ահեղ ձայնով  
Երգեց վըսեմ շարական:  
Ու տղերքը տըխուր ու լուռ  
Վերագարձան դէպի տուն,  
Չորում Թողած մի սև բըլուր  
Մի գերեզման անանուն:

## Վ Ե Յ Ե Ր Ո Ր Գ Ե Ր Գ

### XXVII

Գարունը եկաւ, հաւքերը եկան,  
Մարեր ու ձորեր ծաղիկներ հագան.  
Մի աղջիկ եկաւ, մի մենակ քաղուոր,  
Գետի եզերքին շըրջում է մուր,  
Շըրջում է մուր, խընդում ու լալիս,  
Երգեր է ասում ու ման է գալիս:

—Սիրուն աղջիկ, ի՞նչ ես լալի  
Էդպէս մենակ ու մուր,  
Ի՞նչ ես լալիս ու ման գալիս  
Էս ձորերում ամեն օր:  
Թէ լալիս ես՝ վարդ ես ուզում՝  
Մայիս կը դայ, մի քիչ կաց,  
Թէ լալիս ես՝ եարդ ես ուզում,  
Ա՛խ, նա գընաց, նա գընաց...  
Արտասուելով, լալով էդպէս  
Ետ չես դարձնի էլ գերիդ,  
Ինչ՞ու իզուր հանդընում ես  
Ջահել կըրակն աչքերիդ:  
Նըրա անբախտ հողի վըրա  
Պաղ ջուր ածա աղբիւրի,

Դու էլ գընա նոր սէր արա,  
էսպէս է կարգն աշխարհի:

—Շնորհակալ եմ, անցւոր ախպէր,  
Ասուած պահի քու եարին.  
Ճամբիդ վերջում կանգնած է դեռ  
Անուշ ծիծաղն աչքերին...  
Ուրախ սըրտով դուք ձեր սէրը  
Վայելեցէք անթառամ.  
Ինձ արցունք է տրեւել Տէրը,  
Ես պիտի լամ, պիտի լամ...

Ու ման է դալիս,  
Երգում ու լալիս:  
Երգերը անկասլ, երգերը տըխուր,  
Արցունքի նման հոսում են ի դուր.  
Բայց լալիս է նա ու երգեր ասում,  
Ու միշտ այն անմիտ տրտունջն է խօսում,  
Թէ ինչպէս յանկարծ աշխարքը փոխեց,  
Ինչպէս դատարկեց կեանքում ամեն բան,  
Սարերը մնացին որը ու անչորան,  
Թէ ինչպէս յանկարծ նա գընաց հեռու,  
Էլ չի դառնալ՞ու, էլ չի դառնալ՞ու...

«Ետ դան, ետ, իգիթ,  
Ետ դառ, անիրան,  
Կարօտած եարիդ  
Աչքը ջուր դառաւ.  
Ոչխարդ էն սարով

Շուռ տուր, տուն արի,  
Փախիւր գիշերով  
Ու թաքուն արի...

Ա՛խ, էն կանանչ սարի լանջին  
Ո՞վ է քընած էն տըղէն,  
Վըրէն քաշած սև կափընջին,  
Կուտը հանած էն տըղէն...  
Ձան, իմ եարն է, ջանին մեռնեմ,  
Ծաղկի հոտով նա հարբել,  
Սարի լանջին, հովի միջին  
Մուշ-մուշ, անուշ մըրափել:

Վեր կաց, վեր, իգիթ,  
Վեր կաց, անիրան,  
Ոչխարդը ըեր կիթ,  
Օրը ձաշ դառաւ...  
Արի, ջան, արի,  
Քու գալուն մեռնեմ,  
Թուխ չորան, արի,  
Կարօտըս առնեմ...-

Տեսէք, տեսէք, դափ ու դուռնով  
Ի՞նչ հարսնիք է դուրս գալի,  
Մարդիկ ուրախ, թօն ու ձիւնսով  
Ձի են խաղում, չափ տալի...  
Աղջի, աղջի, մըրափի արէք,  
էս ի՞նչ տեսիլք ես տեսայ.  
Ով էր տեսել էսպէս հարսնիք—  
Ոչ հարս ունեն, ոչ փեսայ...

Բերում են հըրէն,  
Աման, մեր տան գէտ...  
Վէր դըրէք, վըրէն  
Հիւսերըս քանդեմ...  
Ես էլ եմ գալիս,  
Էդ ուր էք տանում...  
Ինձ էլ թաղեցէք  
Իր գերեզմանում...

Ա՛խ, չէ, աման, ասում են դա  
Մի գիակ է լսւո, հոտանձ,  
Արիւնը չոր գէմքի վըրա,  
Աչքերն անթանթ, սխալակամ:  
Նա սիրուն էր, անուշահոտ,  
Աչքերը լի ծիծաղով,  
Նա գալիս էր ցօղոտ-շաղոտ,  
Հանաքներով ու խաղով...

Արի, ջան իգիթ,  
Արի, անիրան,  
Կարօտած հարիդ  
Աչքը ջուր դառաւ:  
Էլ մի ուշացնի,  
Ես շատ եմ կացել,  
Էլ մի լացացնի,  
Ես շատ եմ լացել...

Տես, կը խըռովեմ,  
Լաց կըլեմ ես էլ...

Ձեմ խօսիլ քեզ հետ...  
Ձեմ սիրիլ քեզ էլ...

## XXVIII

Անլըռելի վըշվըշում է  
Պըղտոր ջուրը Դերեգի,  
Նըրա ափին կանաչում է  
Մենակ շերիմն իգիթի:  
Նրա շուրջը հէզ սիրունին  
Թընդացնում է ողբ ու լաց,  
Ջայն է տալիս իր Սարօին  
Ու պըտըտում մոլորում:  
Եւ հոտում է գիշեր-ցերեկ  
Արցունքն անբախտ աղջըկայ,  
Բայց իր սիրած տըղան երբէք  
Չըկան, չըկան, ու չըկայ...  
Վըշվըշում է գետը—վճւշ, վճւշ,  
Ու յորձանք է տալիս յորդ,  
Ու կանչում է՝ «Արի, Անուշ,  
Արի, տանեմ հարիդ մօտ...»  
—Անուշ, այ աղջի, Անուշ, տուն արի...  
Կանչում է մայրը վերեկից, կանչում:  
Դուշման Դերեգն է պղտոր մըլընչում:  
  
Վուշ-վճւշ Անուշ, վուշ-վճւշ, քուրիկ,  
Վճւշ քու սէրին, քու հարին,  
Վուշ-վճւշ, Սարօ, վուշ-վճւշ իգիթ,  
Վճւշ քու սիրած սարերին...



Համբարձման գիշեր, էն գիւթիչ գիշեր,  
 Կայ հըրաշալի, երջանիկ վայրկեան.  
 Բացու՛մ էն ոսկի երկընքի գըռներ,  
 Ներքե պապանձում, լըռում ամեն բան,  
 Եւ Աստուածային անհաս խորհըրգով  
 Լըցւում բովանդակ Նըբա սուրբ գըթով:

Այն վեհ վայրկենին չըքնալ գիշերի՝  
 Երկընքի անհոն, հետու խորքերից,  
 Անմուրալ մեռած սիրահարների  
 Աստղերը թըռած իրար էն գալիս,  
 Գալիս՝ կարօտով մի հեղ համբուրում  
 Աշխարհից հեռու, լաղուր կամարում:



**Հ Ա Յ Բ Ա Ն Ա Ս Տ Ե Ղ Ծ Ե Բ**

Ընդհանուր վերնագրի տակ հետզհետէ լոյս են տեսնելու առանձին գրքոյկներով մեր բանաստեղծները լաւագոյն ստեղծագործութիւնները: Արդէն հրատարակուած են

|                       |                    |       |
|-----------------------|--------------------|-------|
| 1. Յովնան. Թումանեանի | Սասունցի Դաւիթը    | 15 կ. |
| 2. » »                | Անուշ . . .        | 15 »  |
| 3. » »                | Լեզներգներ . . .   | 15 »  |
| 4. Շանթի . . .        | Երգեր . . .        | 15 »  |
| 5. » . . .            | Լեռան սղջիկը . . . | 15 »  |

Տղագրութիւն

**Հ Ե Ք Ի Ա Ք Ն Ե Ր Ի Ա Շ Ի Ա Ր Հ**

պատկերագարդ սերիան

1. Ղազ. Աղայեանի. Գիւլնաղ-տատի հէքիաթը, Այծատուր, Չանգի-Ջրանգի, Մանուկ-Սան
2. » » Անտառի մանուկը, Ասլան-Բալա, Եղեգնուհի
3. Ժողովրդական. Ոսկի ձկնիկ
4. » Գառնուկ-Եղբայր, Աղուէսը, Գայլը, Արջն ու Չմոռխտ-ղուշը.

Հրատարակութիւնների պահեստ՝ Թիֆլիս, Товарищество „Ст. Лисицианъ и К<sup>о</sup>“. (Бебутовская ул. 29) և Типографія „Гермесъ“ (Мадатовская ул. 15).

թիվ 24

ԱՐԻՆ  
ԶԱՆԿ

« Ազգային գրադարան



NL0167474

